

**FUNDARGERÐ 466. FUNDAR STJÓRNAR SORPU**

Stjórnarfundur SORPU bs., kt. 510588-1189, föstudaginn 1. apríl 2022. Fundurinn er settur klukkan 14:10. Fundurinn er staðfundur á Gylfaflöt 5 og fjarfundur.

Fundarstjóri: Líf Magneudóttir formaður, fundarritari: Gunnar Dofri Ólafsson.

Mætt: Birkir Jón Jónsson, Jóna Sæmundsdóttir, Kristinn Andersen og Líf Magneudóttir.

Sækja fund með fjarfundarbúnaði: Bjarni Torfi Álfþórsson og Kolbrún Þorsteinsdóttir

Jón Viggó Gunnarsson framkvæmdastjóri, Sigríður Katrín Kristbjörnsdóttir fjármálastjóri og Gunnar Dofri Ólafsson, samskipta- og þróunarstjóri sækja staðfund.

Tekið fyrir**1. Hvað er í ruslinu? Húsaorpsrannsókn SORPU bs 2021**

Gyða Sigríður Björnsdóttir, umhverfisstjóri SORPU, sækir fund með fjarfundarbúnaði við upphaf fundar.

Gyða Sigríður gerir grein fyrir helstu niðurstöðum húsaorpsrannsóknar SORPU fyrir árið 2021.

2. Plastið í betri farveg. Tilraunaverkefni á Sævarhöfða

Gyða Sigríður gerir grein fyrir tilraunaverkefni á endurvinnslustöðinni á Sævarhöfða þar sem plasti er flokkað í fleiri farvegi en áður hefur verið.

Gyða Sigríður vísar af fundi klukkan 15:10.

3. Bolalda – staða og horfur

Framkvæmdastjóri gerir grein fyrir samkomulagi við Ölfus um yfirtöku SORPU á umráðum og eftirliti með Bolöldu til allt að tveggja mánaða.

Stjórn SORPU samþykkir samkomulagið.

Eftirfarandi var samþykkt í bæjarstjórn Ölfuss fimmtudaginn 31. mars:

Samþykkt bæjarstjórnar var svohljóðandi:

„Rekstur Bolöldu

Fyrir bæjarstjórn lá erindi frá Sorpu þar sem óskað var eftir því að komið yrði á samningi um rekstur og afnot af Bolöldu sem jarðvegstípps. Óskað er eftir því að gerður verði tveggja mánaða samningur frá 1. Apríl 2022.

Fram kom að SORPA mun viðhafa virkt eftirlit með jarðefnaformum sem berast inn á svæðið. SORPA mun staðsetja á opnunartíma mannskap og tæki til að stunda virkt eftirlit og skráningar á förmum og þar með tryggja að inn á svæðið rati ekki annað en endurnýtanlegur, óvirkur jarðvegsúrgangur. SORPA áskilur sér rétt til að vísa frá efni sem er mengað á einhvern hátt, uppfyllir ekki skilyrði starfsleyfis og/eða er ekki hæft til endurnýtingar. Einnig áskilur SORPA sér rétt til að vísa frá efni sem hæft til endurvinnslu. Að öðru leyti mun SORPA tryggja í samvinnu við Fossvélar ehf, að til staðar sé eftirlit til samræmis við áskilnað starfsleyfis þess sem gefið var út til handa Bolaalda ehf. hinn 23. júlí 2020.



Tilgreindir tveir mánuðir verða nýttir sérstaklega til að greiða úr ýmsum lagalegum og rekstrarlegum málum sem varða framtíðarskipan jarðefnalosunar á höfuðborgarsvæðinu. Í því felst að hugsanlega muni SORPA bs. falast eftir langtímasamningi við sveitarfélagið Ölfus um notkun á Bolaöldum til afsetningar á jarðefnum og munu aðilar þá ganga til sérstakra samninga um það sem tiltaka virkt eftirlit og greiðslur til sveitarfélagsins Ölfuss fyrir afnot af landinu.

Drög að afgreiðslu: bæjarstórn samþykkir að veita Sorpu heimild til afnota af Bolaöldu til móttöku óvirkra jarðefna í samræmi við útgefið starfsleyfi til einsmánaðar frá 1. apríl til 1. Maí 2022 með möguleika á framlengingu um einn mánuð að því gefnu að efndir samkomu lagsins eins og því er lýst í erindinu gangi eftir.“

4. Erindi frá ELKEM um samstarf um viðarflís

Framkvæmdastjóri gerir grein fyrir erindi ELKEM um samstarf við SORPU um viðarflís.

Stjórn SORPU bs. bókar:

„Stjórn SORPU felur framkvæmdastjóra að bregðast við erindi ELKEM og leiða málið til lykta og bera niðurstöðu þeirrar vinnu undir stjórn SORPU.“

5. Næsti fundur

Næsti fundur er boðaður 29. apríl klukkan 14:00.

Fleira var ekki gert og fundi slitið 15:55.